



Sarajevo, 03.07.2025.

PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE  
n/r predsjedavajućeg

|                                                                                                                                                                  |                       |            |              |
|------------------------------------------------------------------------------------------------------------------------------------------------------------------|-----------------------|------------|--------------|
|  BOSNA I HERCEGOVINA<br>PARLAMENTARNA SKUPŠTINA BOSNE I HERCEGOVINE<br>SARAJEVO |                       |            |              |
| PRIMLJENO: 03-07-2025                                                                                                                                            |                       |            |              |
| Organizaciona jedinica                                                                                                                                           | Klasifikaciona oznaka | Redni broj | Broj priloga |
| 01-                                                                                                                                                              | 10-1-                 | 1486       | 125          |

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), postavljam sljedeće

### POSLANIČKO PITANJE

*Kada će biti doneseni provedbeni akti u vezi sa primjenom Zakona o dopunama Zakona o porezu na dodatu vrijednost – povrat PDV-a na kupovinu prve nekretnine i šta je razlog kašnjenja u njihovom donošenju?*

Obrazloženje:

Zakon o dopunama Zakona o porezu na dodatu vrijednost, kojim se omogućava povrat PDV-a prilikom kupovine prve nekretnine, upućen je u zakonodavnu proceduru 25. septembra 2024. godine. Usvojen je u Predstavničkom domu Parlamentarne skupštine BiH 3. decembra 2024, a zatim i u Domu naroda 2. aprila 2025. godine. Objavljen je u “Službenom glasniku BiH” dana 4. aprila 2025, a stupio je na snagu osam dana nakon objave.

Od stupanja zakona na snagu do dana slanja ovog upita prošlo je 3 mjeseca.

Član 3. navedenog zakona propisuje da će Upravni odbor Uprave za indirektno oporezivanje Bosne i Hercegovine donijeti podzakonske akte za provođenje Zakona nakon stupanja ovog zakona na snagu, u kojima će se utvrditi uslovi i način pod kojima kupac ostvaruje pravo na povrat PDV-a za kupovinu prvog stambenog objekta, uključujući nadležne organe za izdavanje potvrda kojima se dokazuje ispunjavanje uslova za povrat PDV-a, definiranje minimalnog perioda za otuđenje stambenog objekta od strane korisnika prava na povrat PDV-a, površinu i cijenu stambenog objekta na koju je moguće ostvariti povrat PDV-a, maksimalan iznos povrata PDV-a, broj članova domaćinstva koji ostvaruju ili ne ostvaruju pravo i u kojem obimu, početne rokove u smislu posjedovanja prve nekretnine radi ostvarivanja prava, kao i sve ostale potrebne uslove s ciljem provođenja Zakona.

Sve gore navedeno, ali prije svega veliki interes javnosti za početak primjene usvojenog zakona je razlog za postavljanje gore navedenog pitanja.

**Pitanje postavljam predsjedavajućem Upravnog odbora Uprave za indirektno oporezivanje Srđanu Amidžiću.**

*Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.*

Poslanik SDP BiH  
Saša Magazinović